

Sarah Murphy AS/MS
Y Gweinidog Iechyd Meddwl a Llesiant
Minister for Mental Health and Wellbeing



Llywodraeth Cymru
Welsh Government

Ein rhif/Our ref: SM/PPIA11/25

Buffy Williams
Cadeirydd
Pwyllgor Plant, Pobl Ifanc ac Addysg
Y Senedd

senedd.children@senedd.cymru

12 Tachwedd 2025

Annwyl Buffy

Diolch ichi am lythyr y Pwyllgor yn gofyn am ragor o wybodaeth mewn perthynas â'r Rhwydwaith Gweithredu Clinigol Amenedigol ac Uned Gobaith.

Pan wnaethom gyhoeddi ein [Strategaeth Iechyd Meddwl a Llesiant](#) 10 mlynedd newydd ym mis Ebrill, penderfynodd y Rhaglen Strategol ar gyfer Iechyd Meddwl, sy'n rhan o Berfformiad a Gwella'r GIG, adolygu ei strwythurau llywodraethu a gweithredu i gefnogi'r gwaith o gyflawni'r strategaeth. Roedd hyn yn cynnwys cryfhau arweinyddiaeth glinigol ar draws y rhaglen, gan ei rhoi mewn gwell sefyllfa i gyflawni prif flaenoriaethau'r strategaeth, gan gynnwys y dull mynediad agored ar gyfer iechyd meddwl.

Mae fy swyddogion wedi trafod hyn gyda Ciara Rogers, y cyfarwyddwr cenedlaethol ar gyfer iechyd meddwl, anabledd dysgu a niwrowahaniaeth ym Mherfformiad a Gwella GIG Cymru, a byddai'n hapus i roi sesiwn frifio i'r Pwyllgor pe byddai hynny o gymorth. Gall fy swyddfa helpu i wneud y trefniadau.

Bydd yr adroddiad etifeddiaeth a amlinellir yn fy ymateb cychwynnol yn glir am unrhyw gamau gweithredu agored a mesurau rheoli risg a fydd yn parhau wrth inni reoli'r gwaith a fyddai wedi cael ei gefnogi o'r blaen gan y Rhwydwaith Amenedigol. Byddwn yn sicrhau bod hwn ar gael, gan gynnwys manylion am sut y bydd y gwaith hwn yn cael ei symud yn ei flaen. Bydd allbynnau'r adroddiad hwn yn cael eu cynnwys yn y gwaith ehangach o weithredu'r *Strategaeth Iechyd Meddwl a Llesiant*.

O ran Uned Gobaith, cytunwyd ar hyn yn wreiddiol fel ateb dros dro tra bod arfarniad opsiynau pellach a gwaith adnabod safle yn cael eu cynnal. Gan gydnabod y statws hwn, cafodd [adolygiad](#) yn 2024 o ofynion comisiynu iechyd meddwl amenedigol tymor hirach ar gyfer pobl yn y Gogledd ei ehangu i gynnwys Cymru gyfan.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Sarah.Murphy@llyw.cymru
Correspondence.Sarah.Murphy@gov.wales


Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Cadarnhawyd felly mai'r drefn ddelfrydol fyddai ehangu Uned Gobaith drwy ychwanegu dau wely. Roedd yn cydnabod nad oedd Uned Gobaith yn uned fam a babanod pwrpasol, ac y dylai cynlluniau yn y dyfodol ystyried uned 8 gwely; byddai'r fethodoleg a ddefnyddir yn yr adroddiad yn helpu i bennu'r lleoliad gorau posibl ar gyfer unrhyw uned newydd.

Mae angen ystyried unrhyw waith yn y maes hwn yn y dyfodol fel rhan o'r strategaeth ystadau cenedlaethol tymor hirach – byddwn felly yn parhau i fuddsoddi yn yr uned i sicrhau ei bod yn cydymffurfio â safonau CCQI, sy'n cwmpasu gofynion adeiladu a staffio.

Yn gywir,

A handwritten signature in black ink, appearing to read 'S. Murphy'.

Sarah Murphy AS/MS

Y Gweinidog Iechyd Meddwl a Llesiant
Minister for Mental Health and Wellbeing